

中國方志叢書·華中地方·第九九號

據清·黃廷金修·蕭浚蘭等纂
清·同治十二年刊本

影印


江 西 省

瑞州府志

(一)

成文出版社有限公司印行

sk81/01



中華民國五十九年 月壹一版

瑞州府志

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內服台業字第一一四七號

重脩瑞州府志序

盛世無廢而不舉之事羣情有誤而復合之機此運會之適然亦有世道者所不能自己也今

劉大中丞續脩省志檄各郡亦續脩郡志宣上德達下情潤色隆平維

瑞州府志

卷之首

一

持風教誠盛典也顧他郡近或數十年遠亦不過百餘年為時未久耳目既可編及而相沿相襲彼此復坦然無異踵舊增新事半功倍大率類然獨瑞則異是余莅瑞下車見其風俗之茂美人之奮興竊喜之及詢其郡志入

國朝無編輯者二親之已而察其所以遷延

之故則以浮糧一事始則同害相戒繼則同利相爭而當事者亦謂人情難調事勢難集相與因循而莫之問蓋其所難者又不僅世遠事湮已也雖然此往事也越今又二百年矣隸自陽平粵遂以東郡中百廢具興如

瑞州府志

卷之首

二

廟郡治考棚書院凡夫風化所關政教所繫郡人士莫不同心協力以興其規十年之間寢々乎稱完善焉是則人情之大可是者況志乘所關尤鉅哉爰集郡人士而商之且告以時不可失余曰此吾郡遺

憾也怒然於心者久矣然非使君王之任
其任者多迺知從衆請先於署內据
據成性隨開局延法為紳耆振互勸
前後期年而書成既成郡人士歸美
於余曰廢興之由機在人心以余謬隨
何足以拯能輸與非衆論金同不我選棄
瑞州府志 卷之首 三

又得法君子渴枕交贊焉能庸脩墜舉以
補前人所未逮然則斯志之成衆未
也余何力哉余何力哉將付手民故敘
其緣起如此至於山川人物編次義例
則有全志在

同治十二年歲在癸酉仲冬之吉知

瑞州府事楚北黃廷金謨并書



瑞州府志舊序

正德六年賜進士中順大夫瑞州府知府河間任丘鄒璠序
曰正德辛未予承乏瑞州疆域遠邇土地肥磽風俗龐鴻人物
賦否與夫貢賦結建沿革災祥俱無所于知爰訪舊志俾
得一二附於民家又至治以前事也古今不相及此足施之
政哉今之於後猶昔之於今失傳之責其何以辭時高安司
諫胡公鎮侍御熊公相節推傳公朝以請禮在告得肆力於
軀翰乃采錄遺跡與我因朝實錄延請是正尉學訓洎生員
劉弘道朱夢昌俱同事焉兩閱月成編今而後彌之遠邇者
知慎固之土地之肥磽者知哀益之風俗人物貢賦結建之
瑞州府志 卷之首

瑞州府舊志序

正德十年乙亥三月吉賜進士文林郎河南道監察御史在
告高安熊相序曰古者列國皆有史官以紀言書事今郡古
國也而史廢矣匪志時賴其可書而記者將何以記天下後
世瑞為江右大郡歷代有志至我朝乃缺焉百五十年事漫
無可考豈為政者不知所重邪匪人弗任匪時勿成固亦艱
矣我英宗睿皇帝嘗命儒臣纂大明一統志彼為天下作故
畧焉而不詳苟有疑于一州一郡者能使無遺憾也哉正德
辛未任丘鄒公璠來守瑞值華林倡亂越明年始平又明年
公謂通守段公泰張公易宗節推汪公溶曰志茲具而不可
瑞州府志 卷之首

失也今弟子員曠可草創者愈曰劉弘道朱夢昌邑博士曠
討論曰吳尉君浩鄉大夫疇閭色曰胡君鎮傳君朝又誰可
者曰熊君相雖在告病匪心目可以佐之公喜曰事濟矣乃
吉以文乃集以事乃視諸先志楊升雲序曰參之舊志據以
新聞為圖於首則職方氏之遺意列志於後則班孟堅之家
法斯言言哉吾師之又觀之一統志貫古今於是乎有建置
沿革表方鎮於是乎有山川形勝敦世尚於是乎有風俗本
教化於是乎有學校書院宮室以居關以譏樂以渡祠廟以
祀丘墓古蹟以藏以識名宦人物以樹風聲啟景行下至寺
觀仙釋亦不遺焉哀哉國制吾從之其他若天文地理財賦

諸節秩官選舉恩例災祥遺事考異詞翰之類或因舊爲新或推畧爲詳皆有裨於一郡初非旁涉以誇多也嗚呼自至治以迄正德而瑞志之修僅此一見何其希濶寥絕甚也或者亦有數畧一旅者與修輯者之功爲益大已高安尹應君恩與有力焉併告之以告續志者

重修瑞州府志舊序

聞之語曰史之難無出於志豈不謂史可嚴刪述以尊其體而志則輿議必稽纖瑣必載也夫狗議則近濫志瑣則近俚脫信意抒辭則又似文非志所稱難也不其然乎天下郡邑初各有志而後來之修輯者類相與議而不任豈盡傳舍其官總總未及亦正慮前數者之難恐高識之士議其後耳即如筠志國朝建罷二百六十餘年內惟正德時前守任丘鄭公瑤一修纂之前此後皆寥寥也如謂鄭公獨暇及此則時方有巨寇之警守禦未完瘡痍未起而公偏有意乎文獻之徵微鄭公則後之官筠者雖欲以政學得乎頃以手之寫味承乏是邦甫至卽暇諸故實及郡事因革之宜質實莫得其要棧史以舊志進則刻久漶漫半不可讀徐釋而讀之稍得梗概乃距鄭公又伯有十五年矣予因重識公功而益嘆載乘之難會代狩石倉曹公按部歷筠首謂筠雖瘠壤是仕國也昔賢如蘇次公楊文節公皆歷官其地應史君鍾南平岳武穆皆保障其民靈傑之規必有足述者亟索郡志觀之訝謂太簡且曠歲久矣予對謂鄭志修於華林兵火之餘既又聞江藩陰蓄異謀瑞有密邇隄防之慮倥偬中撙拾得此業爲不易公曰信哉正德之季距嘉靖初爲年幾何使鄭君得際熙隆之時肆志討論必可厭觀但今又踰百載矣

寧必借才前人耶予固謝不敏謂百年內能更多矣率未及此其有深心走何能爲役公曰雖然不聞子厚氏之論史乎今人讓之後人後人又讓後人是終無作者也慎毋辭予雖唯唯實弗敢任又徧請賢於當道當道皆嘉勉如曹公言予再商之僚友諸公又皆贊決如當道言始敢按舊志詢其同異併訪近事於鈔人士因就正於鄉先生陳公胡公鄒公熊公劉公王公吳公請教言焉屬草未半欣聞今上龍飛五位文命誕敷制作更始於是別駕楊公司李徐公諸予曰曩謂鄒公纂修郡乘恨不及始靖之隆今主上同符甫皇而公於此繼鄒公之志非文明時應有之舉乎予謝曰我輩憤憤不

瓊州府志

卷之首

五

及前人故造物假之遭逢以蓋其短抑惟藉手諸君微竊竊社稷儲藏小之一班耳於時撫草人覲還鈔乃卒業焉撫因舊志而類次之即有所點擷亦不過詳其所畧畧其所繁無敢臆爲去取一皆本鄒公之旨而例推之者也正德後事則又推義例而廣之以便覽觀舊板既蒙因續爲合刻以復曹公所命至其合發與否固不自知且鈔地從來多博輿之英如高安劉壯與氏稽古多聞與蘇黃相上下嘗取歐陽五代史摘其掛漏作糾謬論以示兩蘇兩蘇不能屈乃知述作之難卽廬陵不能無說况以今之調譌者而欲參爭壯輿之鄉也不自嘆望洋河伯哉雖然失今不志卽壯輿復起將無所

據其謬而糾之則又守土者責也用是勉次簡編以俟後之宗匠崇禎建元秋日瑞州府知府會稽陶履中謹撰

瓊州府志

卷之首

六

重修瑞州府志舊序

經國之大業莫如文之大業莫如史墳典丘索三皇五帝之史也書禮唐虞三代之史也詩周與列國之史也春秋則傳史而聖手裁之以立教者也三代以上之史即爲經三代以下無聖人則無續經即紫陽綱目且避春秋之嫌於是垂世立教史特重而史才亦重矣周禮邦國之志小史掌之四方之志外史掌之則志與史同道而異名其立義例昭勸戒是非稍謬即馬遷歐陽人得彈射於是史才難而郡志邑乘家譜之才亦難可知矣噫嘻禮徵文獻予謂文在郡縣在鄉子論官仲尼曰天子生官學在四夷所學何據韓宣子聘魯瑞州府志

卷之首

七

觀易象與春秋嘆曰周禮盡在魯使魯不存周禮何以知周公之德與周之所以王乎秦燔詩書千古大恨後有掇拾灰燼表章斷簡者千古以爲功之首豈非文在即獻在而大而天下小而郡邑俱不可無肩任斯文之人哉筠之有志創於元至治間入國朝正德任丘鄭公來守筠始一重修今又百有餘年郡伯會稽陶公以文獻名家負高才乃取百年曠典而續之司理劍津徐公儒雅過人相與蒐輯考訂終其局夫鄭公開草昧厥功懋矣然事多漏而疑義亦尙存陶公徐公稍有損益義例愈密凡史家職與畧佞與謗之弊一切盡洗下可供司土之考衷而上可備國史之撫採允爲傳史哉抑

璉讀此而竊有嘆焉筠郡也可幸在此可憂亦在此何以

言之夫郡瘠則土風朴真氣固民勞而思善士尙文學敦節義且無遠稽異代陶淵明劉道源幸震甫姚成一等我明英賢輩出或鐵面而死直或虎眼而善斷或拒婚分宜不以一揖易宰相或清過古人諺有絕糧之侍而或萬死翊駕於北狩或廷杖批鱗於南巡甚至布衣而全宜豐歸眞主邑椽而尹深陽稱名臣何烈烈也近時名公宦蹟士女節義尤爲簡不勝書夫非瘠土之民多才乎可幸也然有大可憂者在郡境廣輪幾何厥田下下國初里猾黎伯安以僞漢橫征之籍虛報邀賞遂令三邑賦額幾倍於宋元蓋至今而皮毛將盡

瑞州府志

卷之首

八

矣夫民不安則易動先朝華林劇盜破城燔署殺人如麻前車可鑒然則今陶公徐公之爲此志也其有無疆惟恤之意乎璉才鄙陋何堪授簡敢書此以爲未雨綢繆之一助賜進士第奉政大夫吏部考功清吏司郎中郡人鄒維璉撰

瑞州府志目錄

卷之首

序 舊序 凡例 圖形

卷之一

地理志一 星野 疆域 沿革 山川 津梁附水利

卷之二

地理志二 古蹟 風俗 物產

卷之三

建置志 城池 署驛 壇廟 寺觀 附坊第 附義學 附義塾

卷之四

瑞州府志 目錄

食貨志 戶役 田賦 起運 倉儲 附雜稅 附鹽

卷之五

學校志 學宮 學制 學額 附書院 附社學

卷之六

武備志 兵制 保甲 附驛遞鋪遞 兵事

卷之七

秩官志一 文職 武職

卷之八

秩官志二 名宦

卷之九

選舉志一 薦辟 進士 武進士

卷之十

選舉志二 舉人 武舉

卷之十一

選舉志三 授例 吏員 武職

卷之十二

選舉志四 五貢

卷之十三

人物志一 名臣 宦績

卷之十四

瑞州府志 目錄

人物志二 儒林 文苑

卷之十五

人物志三 忠義 孝友 懿行 隱逸 方伎

卷之十六

人物志四 列女

卷之十七

人物志五 列女

卷之十八

藝文志一 疏記

卷之十九

藝文志二 記序

卷之二十

藝文志三 傳 書 銘 表 文 賦

卷之二十一

藝文志四 五古

卷之二十二

藝文志五 詩

卷之二十三

藝文志六 書 日

卷之二十四

瑞州府志 目錄

雜類志 仙 雜 軼事

三

瑞州府志卷之首

凡例

一瑞州志舊志云昉自元至治二年學正楊昇雲案覓公武郡齋讀書志瑞陽志十卷縣志三卷郡守周綸修郡人雷孝友序之則南宋已有作者不自元始也明正德十年鄭守璠一續之崇正元年陶守履中再續之今鄭志已不可得何問南宋即陶志距今亦二百五十年矣代遠事湮此次續修實同創舉雖三縣志間有參討然諸屬總統處蒐採散佚尙須從新起義故視他郡之踵而增者較爲不易一陶志搜得一帙所謂舊志也遺編之存幸得藉手但前代瑞州府志

卷之首

凡例

一

典章合之今制類不相宜其門目太無統紀其編次不免雜施且三縣志取錄於此者又皆自爲體例彼此不同難於決擇茲一遵通志局頒定十門每門各繫條件庶綱舉目張歸於畫一

一新志俱創自前明嘉靖間高志則康熙十年始修以其附郭前此統於郡志也然自入國朝以來郡志未輯二百餘年軼事茫如捕風又幸有高志附載一二得以尋緒而求故凡秩官解署學宮及一切文藝之有關於郡者上新距城遠未及紀載大率取之高志居多

一星野本屬天文舊志另列一門固已但郡邑志與史不同

史統舉六合郡邑分紀一隅且星而曰野仍緣地起義茲依通志例歸入地理之首似較允協

一府志載筆較縣志爲謹嚴如山川水利津梁古蹟有縣志已登而府志未載者非漏也縣志紀其詳府志舉其要體例故自不同

一向來志例必列形勝一門不知有山川疆域便是形勝乃必標古人記傳中贊抱控帶等語勉強充勝成幅殊覺無味茲不復列

一建置之屬如城池壇廟公廨所關者大記載不容不詳至於坊第誌一人一事之盛自當別論通志不列此條良有

瑞州府志

卷之首

凡例

二

以也茲閱舊志及三縣志所載似涉煩瑣故第計其總數若干附載建置末

一戶口田賦因時異制增減不一其顛末悉詳縣志茲照同治二年修輯賦役全書頒發瑞州府全冊登載並將三縣征總分列於後俾閱者一見了然

一學校各款廢闕更移爲時已久無從覈實茲將採訪所及暨現在所存所行如名宦鄉賢學產學額書院租具大略定爲規制其有未全未備者姑闕焉以俟後入

一武備舊志第列官秩兵弁及驛遞夫馬等項未紀兵事茲因咸豐間粵逆擾攘彙載兵事一條標明年代俾得稽時

察變思患豫防其有團練事宜各詳縣志不載

一職官新故遞更勸戒所繫古人所以重題名也邵文武職
陶志以前尚可攷入 國朝來祇乾隆後有卷可稽前此
百餘年盡歸泯沒雖間蒐得十餘名尙多遺漏重可慨也
又名宦傳已登者仍之未登者續之亦有舊志遺漏如宋
之桂子恭周應合蕭价元之咬佳係從新搜出者又如國
初之莊安蔡諸公近時之劉武烈等皆有大功於鈞者義
應增入

一瑞郡人才輩出儒林翰會文武兩科及五貢已不勝錄者
再加多未免遺漏茲於封贈蔭襲及雜途未經出仕者一
瑞州府志 卷之首 凡例 三

概不載
一人物志分晰名目部各不同茲一依通志例第既有儒林
理學一門可以不設其餘名臣孝友亦名難副實均從簡
慎至慈行一門尤易漏難必其有實事可紀者始行編入
不得濫收

一忠義原非專言死節然死者人之所難近年被兵殉難者
悉照縣志歸入忠義類其兵勇姓名不及續載總其人數
而已

一名宦暨人物各傳凡舊載新增文有敘述繁冗者大半刪
汰從簡務期事覈不取鋪張

舊志不列藝文所有文詩散附於山川古蹟人物之末綴
以小字殊覺累贅淆雜茲仍編藝文一條凡文徵詩徵彙
歸一處俾便尋閱

碑記之文紀前代名賢遺蹟城池解宇修廢事關宇故故
所錄從多其他疏序書傳及墓表雜文每類均量存數篇
亦搜羅文獻所必及也

一詩須輯類先右體次律詩次絕句其間佳詩有以事傳者
有以人傳者不必盡關郡邑古蹟亦有中切而詩未見佳
者不能拘泥濫存

一錄載書目原係漢書舊例具三縣所錄應存與否未敢臆
瑞州府志 卷之首 凡例 四

刪始一仍其舊第 國朝著述爲時尚近亦有人尙生存
必俟論定故所載一以明爲止

一雜類拾遺補闕志之餘也茲將各志所載仙釋軼事綴輯
編末凡傳疑辨異雜記之類皆附焉總之此次編纂雖數
百年將隆之緒從新立制諸期詳盡故例言不嫌多其有
未底完善及一切尙須增刪者務冀博雅諸君匡所不逮

瑞州府志首卷

總修

瑞州府知府黃廷金 湖北人丙辰進士

協修

同知銜高安縣知縣德海 湖南漢黃旗人庚寅貢

同知銜上高縣知縣趙惟熙 四川人辛酉貢

花翎運同銜新昌縣知縣胡傳釗 湖南人

泰校

署瑞州府教授雷鼎印 南昌人壬戌舉人

瑞州府復設訓導曹思謙 撫州人國貢

瑞州府志卷首

高安縣教諭湯寶中 撫州人辛亥舉人

上高縣教諭劉嶽 南昌人甲子舉人

署上高縣復設訓導袁葆昌 都昌人壬戌舉人

署新昌縣教諭王及紹 湖口人壬戌舉人

新昌縣復設訓導熊福山 豐城人增貢

纂修

前雲南布政使蕭浚蘭 高安人甲辰進士

前浙江補用同知熊松之 高安人乙酉舉人

前掌湖廣道御史彭桂馨 高安人丙辰進士

候補選教諭褚景昕 高安人丙午副貢

前樂平縣教諭朱於 高安人己酉舉人

前弋陽縣訓導金鎮濤 高安人辛亥舉人

同知銜揀選知縣陳丹書 高安人甲子舉人

揀選知縣易漢章 高安人甲子舉人

揀選知縣羅作霖 高安人丁卯舉人

候選直隸州判鄒景虔 高安人丁卯舉人

候選教諭李琳 高安人辛酉貢

附貢生胡英斌 高安人

陸州同知直隸栢鄉縣知縣劉湘 新昌人壬辰舉人

瑞州府志卷首

山東卽用知縣熊茂林 新昌人乙丑進士

覺羅官學教習揀選知縣張履祥 新昌人己未舉人

揀選知縣劉沛然 新昌人甲子舉人

督刊

瑞州府經歷閻緝熙 直隸人儒士

同知銜候選知縣高安縣縣丞宗周 四川人附生

上高縣縣丞巢光許 江蘇人監生

提舉銜候選通判新昌縣縣丞羅亨城 安義人監生


灰半司巡檢黃慎 浙江人吏員

大姑司巡檢沈時獻 浙江人附貢

黃岡	高安	上高	新昌	候補
司	縣	縣	縣	
巡	典史	典史	典史	典史
檢	史	史	史	史
馮嗣恩	凌春明	范大章	鄧村牧	寇梁
浙江人監生	甘肅人監生	浙江人監生	廣東人監生	湖北人附生

瑞州府圖

瑞州府志
卷之五




高安縣圖

瑞州府志

卷之四

三



上高縣圖

瑞州府志

卷之五

五

